

新修曲沃縣志卷之十二

名宦傳

設官分職勞心治人廉明正直道返諸身誠求保赤造福萬民生為循吏歿祀明神 志名宦

周

趙

武衰曾孫父朔早卒同括之死武從姬氏畜於公宮及長韓厥請立之晉悼公即位以武為文而能恤大事使佐新軍九年伐鄭與魏絳斬行栗十一年將上軍平陰之役與韓起以上軍圍廬二十四年代范匄為政令薄諸侯之幣而重其禮平公十一年治齊烏餘之亂取其邑歸諸侯諸侯是以睦於晉十二年會於宋將盟楚人衷甲從叔向請先楚十六年復會於虢祁午謂不可以不戒武曰宋之盟子木有禍人之心武有仁人之心楚所以駕於晉也武將以信為本循而行之能為人下者不為人下矣及盟楚請讀舊書加於牲上晉許之夏四月武與叔孫豹曹大夫入於鄭鄭伯享之景王使劉定公勞武於穎館於洛汭十二月卒諡曰文孔子曰思天而敬人服義而行信孝於父母恭於兄弟從善而不教蓋文子之行

新修曲沃縣志

卷之十二

第三傳 名宦傳

一

魏

絳

也。祀名宦。子成。平公二十五年。使如周弔。致閭田與襪。反穎俘。楚遣啓疆稱其為諸侯之選。孫鞅。頃公時為卿。敬王之出。會諸侯以謀王室。鞅子無恤。平代地。併智氏。是為趙襄子。使絳為司馬。三年。盟於雞澤。公弟揚干。亂行於曲梁。絳戮其僕。公以絳為能以刑佐民。使佐新軍。四年。請公和戎。公說。使絳盟諸戎。八年。佐新軍。圍鄭。鄭人行成。十一月。同盟於戲。公歸。謀所以息民。絳請施舍。輸積聚以貸。自公以下行之。期年。國乃有節。十年。諸侯伐鄭。使絳戍鄭及晉平。明年。公會諸侯於蕭魚。鄭人賂晉以兵車。歌鐘。罇磬。女樂。公以樂之半。賜絳。絳於是乎始有金石之樂。平陰之役。以下軍克郭。卒。諡莊子。祀名宦。子嬴。生舒。

魏

舒

平公十年。使舒逆衛侯。吳季札適晉。說舒。謂其後將有晉國。十七年。佐荀吳大敗狄人於大鹵。二十三年。代韓宣子為政。分祁氏。羊舌氏之田以為縣。以司馬彌牟等十人為大夫。孔子聞舒之舉也。以為義。又聞其命賈辛也。以為忠。其長有後於晉國乎。定公二年。使舒。韓不信。如京師。合諸侯之大夫於狄泉。尋盟。令城成周。明年。舒蒞政。屬役於韓簡子。還卒於寧。諡獻子。子名宦。五傳。生文侯斯。周威烈王二十一年。命魏。趙。韓。列為諸侯。文侯卒。子擊立。是為武侯。十一年。與韓。趙。三分晉地。

士

變會之子。宣王殺杜伯。隰叔奔晉。子士蔦。獻公以為士師。因氏焉。蔦子穀。襄公時為司空。穀子會。以功食邑於隨。諡武子。景公十一年。變佐上軍。靡笄之役。敗齊師。晉師歸。變後入見公。公曰。子之力也。對曰。書所命也。克之制也。臣何力之有。十四年。復佐上軍。救許。伐鄭。取汜祭。十七年。聘魯。伐鄭。秦伐晉。敗秦師於麻隧。厲公六年。會吳於鍾離。鄆陵之役。變不欲戰。謂欒卻曰。唯聖人能內外無患。自非聖人。外甯必有內憂。盍釋楚以為外懼乎。不聽。楚師敗績。變反。使其祝宗祈死。無及於難。卒。諡曰文。祀名宦。

士

句。變子。鄆陵之役。句從軍。敗楚師。厲公八年。書偃。弑厲公。召句不赴。悼公立。命為卿。八年。聘魯。明年。佐中軍伐鄭。滅偃陽以歸。十年。平王室。十二月。會於蕭魚。荀偃卒。使佐中軍。句辭。公使佐下軍。平公三年。佐公伐齊。齊師夜遁。荀偃卒。將中軍。帥師侵齊。八年。句逐欒盈。卒。諡宣子。祀名宦。

士渥濁

晉卿。邲之戰。晉師敗績。荀林父請死。景公欲許之。渥濁諫曰。不可。晉侯使復其位。及林父敗狄。公賞渥濁以瓜衍之縣。曰。微子。吾喪伯氏矣。悼公即位。知其帥志博聞。宣惠於教。使為太傅。卒。諡貞子。子弱。悼公九年。宋災。悼公問之。對曰。古之火正。或食於心。或食於味。以出內火。是故味為鶉火。心為大火。陶唐氏之大正。閼伯居商丘。祀大火。而火紀時焉。相土因

新修曲沃縣志

卷十二

第三傳 名宦傳

一一

之。故商主大火。商人闕其禍敗之釁。必始於火。是以日知其有天道也。弱子文伯。食邑於瑕。平公二十二年。鄭人鑄刑書。文伯曰。火見。鄭其火乎。六月丙戌。鄭災。十月朔。日有食之。平公問曰。誰當之。對曰。衛小魯大。明年。衛襄公。季武子卒。公謂文伯曰。所謂日食從矣。可常乎。對曰。不可。六物不同。同始異終。胡可常也。祀名宦。

士彌牟

字景伯。文伯子。晉頃公七年。晉人執叔孫婁。彌牟謂韓宣子曰。所謂盟主。討違命也。若皆相執。焉用盟主。乃使彌牟禮叔孫而歸。九年。黃父之會。宋欲背盟。彌牟辭折右師。受牒而退。魏獻子為政。以彌牟為鄆大夫。晉定公三年。合諸侯城成周。彌牟營之。以令役於諸侯。城三旬而畢。乃歸諸侯之成。祀名宦。

荀

中行偃之子。荀林父之曾孫也。史記晉始作三行。以林父將中行。因以中行為氏。中

行。吳將上軍。卒諡穆子。平公十七年。帥師伐無終。敗之於大鹵。昭公元年。楚師在蔡。吳謂韓宣子曰。不能救陳。又不能收蔡。己為盟主。而不恤亡國。將焉用之。會於厥慙。謀蔡也。二年。晉侯享諸侯。中行穆子相。五年。帥師伐鮮虞。圍鼓。鼓人或請以城叛。穆子不許。或請降。使其民見。曰。猶有食色。姑修爾城。鼓人告食盡而後取之。克鼓。不戮一人。以鼓子焉韞歸。頃公元年。范宣子夢文公携荀吳而授之以陸渾。故使穆子帥師伐之。陸渾子奔楚。歸獻俘於文宮。晉

之取鼓也。既獻而反之。六年。又叛於鮮虞。荀吳畧東陽。遂襲鼓子以歸。執其臣夙沙釐曰。委贊而策死。古之法也。穆子曰。吾何德之務。而有是臣也。乃使之行。祀名宦。

知

營 知莊子荀首之子。首為林父季弟。食知邑。名知季。故別稱知氏。泌之戰。楚子囚以歸。至十二年。荀首佐中軍。楚子曰。晉未可與爭。重為禮而歸之。厲公三年。從欒書敗秦師於麻隧。八年。適周。迎立悼公。明年。會戚以偪鄭城虎牢。鄭行成。相公盟長檮。悼公九年。代韓厥為政。將中軍。伐鄭。鄭人行成。武子曰。許之盟。而還師以敵楚。吾三分四軍。與諸侯之銳以逆來者。於我未病。楚不能矣。猶愈於戰。乃許鄭成。盟於戲而還。十年。會於相。偃句請伐偪陽。以封宋向戌。營不可。固請圍之。弗克。句偃請班師。知伯怒。投之以機。曰。七日不克。必汝乎取之。句偃帥師攻偪陽。遂滅之。以偪陽子歸獻於武宮。諸侯城虎牢而戍之。晉城梧。遂還。侵鄭北鄙而歸。楚人亦還。其後鄭人患晉楚之故。以為楚弱於晉。晉不我疾也。故服於晉。營相悼公。凡十二年。德修政施。晉以復霸。卒。諡武子。祀名宦。

伯

宗 孫伯糾之子。景公時大夫。景公六年。楚伐宋。公欲救之。伯宗不可。景公乃止。時潞相鄆舒不道。景公欲伐之。諸大夫皆曰。不可。伯宗曰。必伐之。狄有五罪。怙其僞才。而不以茂德。茲益罪也。若之何待之。公從之。使荀林父伐之。遂滅潞。殺舒。十五年。伯宗與夏陽說。衛人鄭

新修曲沃縣志

卷十一

第三傳 名宦傳

一一

師

人。侵宋師於鍼。衛人不保。說欲襲之。伯宗止之。後為三郤譖而殺之。祀名宦。子州犁奔楚。曠字子野。晉人。悼公之世。為晉樂師。時稱聰聖。度正音律。測明歷數。凡所論諫。必本仁義。淮南子曰。師曠瞽而為太宰。晉國無亂政。祀名宦。

陽

畢 晉平公六年。公謂畢曰。自穆侯以至於今。亂兵不輟。禍敗無已。寇恐及吾身。若之何。畢曰。欒氏之誣晉國也久矣。書實弒歷公以厚其家。若滅欒氏。則民威矣。起瑕原韓魏之後。而賞立之。則民懷矣。畏與懷各當其所。則國安矣。公從之。是以終平公之世無內亂。

苗賁皇

楚伯棼越椒之子也。若敖之亂。皇奔晉。晉人與之苗。遂為苗賁皇。厲公六年。晉侯伐鄭。楚子救鄭。遇於鄆陵。苗賁皇在晉侯之側。請分良以擊其左右。而三軍萃於王卒。公從之。及戰。射楚王中目。且而戰。見星未已。苗賁皇狗曰。菟乘補卒。秣馬厲兵。修陳固列。尊食申禱。明日復戰。楚師宵遁。祀名宦。

史

趙 悼公時。史官。晉政多咨度焉。

蔡

墨 即史黯。定公時。太史。晉頃公十三年。秋。龍見於絳郊。魏獻子問曰。蟲莫知於龍。以其不生得也。謂之知。信乎。對曰。人實不知。非龍實知。龍。水物也。水官棄矣。故龍不生得。越圍吳。趙孟使楚隆於吳。吳王曰。史黯何以得為君子。對曰。黯也。進不見惡。退無謗言。吳王曰。宜哉。

司馬寅 晉定公三十年。會於黃池。吳晉爭先。趙鞅呼司馬寅曰。日旰矣。大事未成。二臣之罪也。建鼓整列。二臣死之。長幼必可知也。對曰。請姑視之。反曰。肉食者無墨。今吳王有墨。國勝乎。太子死乎。且夷德輕。不忍久。請少待之。乃先晉人。

東漢

賈逵 字梁道。襄陵人。守絳邑。有善政。建安七年。郭援攻河東。城既潰。被執不屈。將殺之。吏民比大呼曰。殺我賢君。與俱死耳。援左右義逵為之請。遂得免。後為豫州刺史。爵關內侯。進封陽里亭侯。諡曰肅。祀名宦。

唐

崔翳 永徽間。任曲沃令。於縣東北三十五里。開新絳渠。引溫泉水。溉田百餘頃。邑民賴之。祀名宦。

宋

孫民先 嘉祐間。以承奉郎守秘書丞。任縣事。首建學校。愛民造士。治化大行。祀名宦。
李復 嘉祐間。令曲沃。因溫水人戶。分隸曲翼兩縣。疊訟不休。後陞絳州。為尚書比部員外。

新修曲沃縣志

卷十一

第三傳 名宦傳

四

金

郎。奏請將曲沃不使水之下陽等三村。移隸翼城。翼城界內使水之陽城等十村。割屬曲沃。獲報可。訟始息。邑民至今頌之。祀名宦。

宋

裾 良鄉人。為邑令。先是邑經宋金兵燹之餘。學宮幾為烏有。所存講堂。又憊為民舍。官取其租。民侵其地。裾蒞任。乃申文漕司。削其租。捐貲鼎新之。祀名宦。

元

杜英 延祐間。尹曲沃。興學育才。敬神恤民。祀名宦。
賈天衢 至元間。任邑主簿。興廢墜。有功學校。祀名宦。

閻得中 至正間。尹沃。新文廟。修諸壇壝。民歌之曰。泮宮之崇。以扶儒宗。社稷之封。以祈年豐。誰之力與。令尹之功。著之聲詩。以播無窮。祀名宦。

明

傅榮 洋縣人。永樂間。知縣事。執法清剛。聽訟明斷。政績丕著。士民頌之。祀名宦。
燕雲 字從龍。咸甯人。以舉人知縣事。鋤惡扶善。政化大行。去之日。士民爭詣諸憲司乞留。

後陞潞州牧。民猶東嚮喁望之。

范方 交趾上洪州人。舉人。宣德間訓導。博學能文。時進諸生為之講解經書。課其制義。雖

祁寒暑雨不少懈。沃邑人文鵲起。郁郁稱盛。方之功為多。

張寧 清苑人。正統間知曲沃。賦性剛毅。直道不阿。有古強項吏風。

張崙 扶溝人。舉人。正統間教諭。賦性都雅。殫於其職。時進諸生立課程。試以經義。殷勤訓

誨。士皆嚴憚之。藉以成就者甚眾。

遲英 隆慶州人。景泰間教諭。教誨不倦。作養人材。廟學就圯。糾金修葺。去任。士人思之。

吳佐 西安。後衛人。舉人。天順間教諭。動守禮法。綽有師範。在職數年。邑人士號彬彬焉。祀

名宦。

劉璣 字用齋。咸甯人。成化間以進士為邑令。溶夢感泉。均景明水。數巡行阡陌間。教民耕

穫。戶栽桑棗三百株。招撫流移。復業千餘。積倉穀。葺齋舍。復立社學。教民行冠婚喪祭禮。著

勸民直說。童子小學。為政八年。善政累著。祀名宦。後歷官戶部尚書。今大堂左楹碑。有像。

姜實 字若虛。浦城人。宏治間以進士尹縣。潔清自矢。立政有方。嘗題堂聯曰。行事難逃天

新修曲沃縣志

卷十二

第三傳 名宦傳

五

地鑿立心不畏吏民知。真不愧其言云。祀名宦。後陞監察御史。

周雲 徐州人。舉人。宏治間任。公正廉介。吏畏民服。祀名宦。

葛禴 字以誠。順天人。正德間以進士知縣事。整城堞。嚴法律。鋤強梗。豪惡斂跡。後歷官光

祿卿。祀名宦。

侯秩 字季常。長垣人。進士。正德間任。律身嚴重。喜怒不形。興禮正俗。救荒止暴。民甚便之。

嘗於退食時。召諸文學為疏經史奧義。夜分不倦。一時學者仰之如山斗云。祀名宦。後歷官

參政。

李暹 字德進。滑縣人。舉人。正德間任。實倉廩。嚴斥墾。修學宮。毀淫祠。大書勸民十二事。刊

布境內。申減代辦銀兩十之四五。立兩驛接遞之界。正南北交界之坊。至今遵之。祀名宦。後

歷官參議。

何鳴講 高苑舉人。正德間教諭。性清潔。澹然無所營。士之貧乏者。恆資之俸。專精肄業。夜則

同諸生宿學舍。漏三下。尤督讀。嘗教以修己治人之道。不沾沾為溫飽計。甫二載。卒於官。祀

名宦。

楚書 字國寶。甯夏人。進士。嘉靖間任。性果毅。長於應變。為政字弱鋤強。發奸摘伏如神。吏

畏民服。四境肅然。祀名宦。後歷官都御史。

岳倫 懷安衛人。進士。嘉靖間。以行人改授。撫民以寬。馭吏以嚴。人稱其仁義兼至。時賦役

日煩。申革代辦銀兩若干。民困始甦。祀名宦。後歷官郎中。

石鯨 益都人。嘉靖間。以進士知縣事。性明敏。善發奸摘伏。然識大體。法立不煩。民咸頌之。

劉魯生 恩縣人。嘉靖間。進士。令曲沃。知大體。不為苛細。案無留牘。心勤撫字。邑舊無志。迺徵

文考獻。備故實焉。祀名宦。後擢御史。

陰秉陽 汲縣人。進士。嘉靖間。任。積學宏深。雅意造士。出所著讀書抄。廣勵學者。當饑饉。薦臻

特設社倉。勸民積貯。天不能災。百姓愛戴。若召杜焉。祀名宦。擢御史。

張學顏 字子愚。肥鄉人。嘉靖間。以進士為邑令。多善政。會地震。城傾圮。量力捐修。多方區處。

民不為病。交口頌之。歷官戶部尚書。祀名宦。

劉孝 安陽人。以進士宰縣。心性醇厚。誠明相濟。先是嘉靖三十五年。地震。踰年。劉來任。民

間瘡痍未起。孝一切務崇寬大。而於黠者。輒抉其隱。卒不至廢法。後陞吏部主事。祀名宦。

郭廷梧 字子材。新鄉人。嘉靖間。以進士為邑宰。有代吉永。徭歲若干。力辯歸之。歲饑。捐俸以

新修曲沃縣志

卷十一

第三傳 名宦傳

賑。且量力勸輸。全活甚眾。會有邊警。築城鑿池。民不知勞。祀名宦。後擢御史。

楊時寧 祥符人。以進士知邑事。處事周詳。慎密。馭吏胥嚴而有體。期年政成。威惠並著。嘗均

丁徭差役。遠近貧富稱便。百姓勒其事於石。肖像祀之。尋擢吏部主事。累官兵部尚書。祀名

宦。

沈時叙 祥符人。進士。萬歷間。任。力任均田。徧歷田野。立表定區。清出欺隱若干。通辦正供。民

間宅基墓域。槩行蠲免。擢御史。祀名宦。

何出光 扶溝人。萬歷間。以進士為沃令。軫念民瘼。革里甲供應諸項。歲饑。發粟賑貸。量道里

遠近。設粥廠數十。全活甚眾。後疫作。開局施藥。邑中公署。多所建置。尤重學校。朔望。詣學宮。

宣講經義。又立社課藝。親為丹黃。一時。人文彬彬稱盛焉。後陞監察御史。祀名宦。

趙彥復 字微生。杞縣人。進士。萬歷間。任。甫下車。以興利除害為己責。減均徭。募驛馬。革堡官。

本鐸。老人。禁子。門夫。諸役。時。歲祲。發粟煮粥。多所存活。纂輯沃史。徵信傳疑。成一家言。堪垂

不朽。後陞戶部主事。去之日。百姓扳挽乞留。有泣下者。祀名宦。

楊本古 恩貢。漳縣人。萬歷間。丞。居官勤敏。案無留牘。凡諸聽斷。批卻導察。適合機宜。後陞趙

城令去之日，邑民扳留，輒不得發。祀名宦。

楊

搆

選貢。遼東蓋州人。萬歷間任邑丞。剛明有為。清操不染。一應常例，悉與蠲除之。諸憲司以為賢，稱曰循吏。祀名宦。後陞宛平丞。

周士樸

字讚唐。商邱人。進士。萬歷間任。居官持大體。不喜鈎距。當聽訟時，開誠布公。霽色勸諭。民亦感其德教。相誠不犯。祀名宦。歷官工部尚書。後家居。死節。

曹

種

甯鄉人。萬歷間教諭。賦性剛明。存心正大。為條教以訓士子。皆可遵守。祀名宦。後陞徽州學正。士子泣送。不忍別離。

王明善

新城人。進士。萬歷間任。撫字心勞。不屑屑於繭絲。去之日，邑人肖像祀之。即今節孝祠也。

張文光

字譙明。祥符人。崇禎間以進士宰沃。丰儀秀整。仁心為質。甫下車，即剔弊釐奸。愛民養士。捐俸大修學宮。開請纓文社。拔其尤者，月課之。故庚午得雋者多名宿。時兵燹洊至。練鄉勇。較騎射。揆文奮武。心常拳拳焉。後以丁內艱去。邑人士如失慈母。扳轅泣送者，不下數萬人。祀名宦。

新修曲沃縣志

卷十一

第三傳 名宦傳

七

耿章光

館陶人。進士。父如杞。先巡撫山西。忤魏璫。下詔獄。光充家僮。侍獄中。崇禎間任曲沃縣。氣宇軒爽。喜任事。視民疾苦。如痼瘕之在身。憫蒙城驛馬賸累。申辯再四。迄今讀其文。光明愷切。真可以質天日。泣鬼神。後以調繁去。瀕行。遣一聯曰：解任空傳去害馬。移山何日是堅城。旁註：沃兩大事。光未竟其志。以望後之君子。其心乎沃也。如此。祀名宦。

項

易

禹州人。崇禎間由貢生任河南訓導。陞邑教諭。斥佛老。崇彝倫。剛烈慈和。士人頌之。祀名宦。後陞沙河知縣。死寇難。衛蒿為詩弔之。

清

田一冲

內邱人。順治二年任。因蒙城驛馬。久累沃民。慨然釐正之。詳見祠碑。祀名宦。

周

鉞

甯田人。舉人。康熙五年任。均編審。嚴保甲。減募夫。禁私派。事載沃史。祀名宦。

張奇勛

祥符人。以太原同知來攝邑篆。清槩夫。課士子。修邑乘。凡所興舉。皆可垂後。洎事六月。善政班班焉。

潘

錦

字就亭。崇安人。進士。康熙三十三年任。不延幕客而事集。尤能儉以成廉。修沃志。建節烈祠。表烈婦劉小件墓。祀名宦。歷官通政參議。

葉華暉

城固人。以進士令曲沃。單騎抵任。衣冠樸素。見者並不知其為令也。既視事。恩威曲

至決斷如神。不二年。政教大行。旋以他故。罣誤。士民聞之。垂涕相弔。爭先饋遺。去之日。扳挽哭送。連綿數十里。至今猶謳思不置云。

阮汝昭

大興人。進士。原任稷山令。調繁曲沃。革夫役。清行戶。絲毫不擾。法立必行。宵小遠避。

薛子璋

黃平人。原任保德牧。攝沃篆。始。諭邑民曰。令於民猶父子也。爾無我詐。我無爾虞。

故凡聽斷務極公平。即負者亦心服。稱其無枉。甫三月。萬民感戴。競執卮爲壽。薛故豪於飲。比歸署。已大醉。一時邑紳士作詩。以美之。

劉綰煜

諸城舉人。前平陽太守。槩子。以鳳台令病起。來攝邑篆。廉潔自矢。時值軍興。夫馬旁

午。劉減其供應。民不知擾。且聽斷和平。數語解紛。莫不各厭其心。以去。邑人懷之。競欲製衣傘以獻。則曰。余家世清白。無爲吾累。後攝篆平陸。卒。沃民爭往賻之。喪始歸里。

張坊

湖南湘潭人。拔貢。由天鎮調任曲沃。先是邑有兩驛。官疲民困。公請於上憲。奏還蒙

城驛於太平史村。民困始蘇。又修邑乘。辨明曲沃新田故地。抉千古之疑。修從教書院。營膏火。設杏花紅銀兩。以佐公車之費。乾隆己卯。膺卓薦。赴京引見。倡修賈公昔年所施會館。又籌款兼捐俸。購房院一所。施諸曲沃。即今日北京之曲沃會館也。邑人感念大德。建立生祠。並豎萬民感德碑於祠中。後陞保德州知州。以病歸。至今。父老猶能道其政蹟。咸謳思不置。

新修曲沃縣志

卷十二

第三傳 名宦傳

云。

鄭秉恬

號雲壑。江西上高人。道光二年壬午。殿試一甲第二名進士。翰林院編修。散館。改授

知縣。以令五寨縣有聲。調繁曲沃。盡心民事。而不肯結納上官。釐奸剔弊。地方肅清。以其暇。修城講武。十五年。趙縣之變。列郡戒嚴。而曲沃繕守素備。賊不敢窺。後以憂去任。夫幾。卒於家。

吳攀僕

夏縣舉人。道光十七年。以大挑銓曲沃教諭。諸生晉見。修脯贊儀。盡謝之。殷勤訓迪。

按月攷課。治酒食以相款。且自捐獎賞。以勵高等者。庚子。卒於官。

張兆衡

字仲嘉。號雪槎。甘肅武威人。庚辰。翰林院庶吉士。散館。改知縣。由和順調任曲沃。革

弊釐奸。除地棍數輩。民咸稱快。東門內隙地。久爲藏垢納汙之區。乃勸衆捐資。建考院。修書院。並諸壇壝。暨演武廳。百廢俱舉。又增修邑志。後陞朔州知州。

丁璜

字禧溪。湖北黃岡縣人。道光辛丑進士。令萬泉有聲。調繁曲沃。時咸豐三年四月也。

涖任。即值軍興。奉旨捐餉。兼籌防禦。親臨驛站。酌減車馬。省民差徭銀。以巨萬計。而供應無缺。迨髮逆逼近。誓民死守。城陷。正襟坐堂皇。賦絕句一章云。偶傳烽火即糾紛。取義成仁夙所聞。地下若逢恭世子。應憐伯氏早圖君。甫投筆。賊蜂擁至。據案大罵。聲色俱厲。賊攢刺

之垂斃。猶顧曰：殺吾可矣，勿傷吾好百姓。一時家丁楊誠等九人俱從死。賊去，百姓哭祭者如喪父母焉。事聞，優卹。加知府銜。世襲雲騎尉。勅建忠義祠祀之。

葉桂芬 安徽青陽縣人。道光甲辰進士。初令翼城。惠被隣邑。癸丑調曲沃。未下車，士民越界具盒酒迎之。時初遭兵燹，瘡痍待起。亟詳請蠲免被災絳糧，酌減差務。民咸德之。陞解州牧。去之日，百姓攀轅泣送。迺脫靴以紀遺愛。今上升門，筐猶高懸也。

龍汝霖 舉人。以大挑分發。署邑事。彌一政聲大起。因徵糧悉里甲賠累，集衆紳謀按糧均差。以蘇窮困。約定鐫石記事。未及施行，以病去。今大堂左楹重碑，可按也。

賀澍恩 字雨峯。江西萍鄉縣人。咸豐壬子進士。翰林院庶吉士。充實錄館協修。兼署纂修。散館引見。以知縣用。同治二年蒞任。值捻匪回逆，擾亂西省。河防戒嚴。因舊有練勇，添設民團助之。乘間修城垣，築礮臺。同治六年，捻匪過境，賴守備有素，城得以全。後陞永寧州牧。

楊定遠 由舉人揀發。署篆曲沃。逢歲歉，煮粥食民。全活無算。革除雜麪行稅，並酌減各行冗規。以勤勞致疾，卒於官。返櫬之日，哭祭送喪者，雖乞兒亦流涕云。

魏懸書 武鄉縣舉人。以大挑選曲沃教諭。自謂振興文教，非異人任。集合學士子於考院。月

新修曲沃縣志

卷十一

第三傳 名宦傳

九

爲一課。癸丑之亂，偕縣令丁守城。城破，蕭衣冠，端坐明倫堂，罵賊死。子介生、姪浩生亦同殉。事聞，從優賜卹。加國子監助教銜。予雲騎尉世襲。從祀忠義祠。

胡彭齡 祁縣附貢生。遵順天捐輸新例，授邑訓導。癸丑，死粵匪之難。家人俱殉。事聞，優卹。加國子監助教銜。予雲騎尉世襲。從祀忠義祠。

洪忠連 安徽歙縣人。監生。遵武陟投効例，過班。分選曲沃典史。勤慎克盡所職。粵匪之亂，佐丁印令，率衆守城。城破被戕。事聞，優卹。加主簿銜。世襲雲騎尉。從祀忠義祠。

盧葆元 安徽濠州人。由從九品，選授曲沃侯馬驛巡檢。捻匪之亂，賊入衙署，大罵不屈。遂被害。事聞，賜卹。給雲騎尉世職。從祀忠義祠。

盧壽昌 字誠齋。直隸河間縣人。清光緒八年任沃。明幹有爲。政尙勤慎。蒞任後，訪求民間疾苦。先是邑分爲三十六里，每里分爲十甲。每年每甲擇一殷實之戶，承辦錢糧。名之曰甲長。各甲有倒虧錢糧者，歸甲長賠墊。至支應南北差使，每次按花費多寡，另行攤派。於三十六里，每年四五次七八次不等。甚有十餘次者。公得其情，呈由巡撫張相國聞奏。奉勅諭清丈全縣地畝。於光緒十年蕙事，將丁戊二年大澆時之荒地糧，概行呈報豁免。俾民自奉投櫃。廢里甲局。創立清徭局。舉紳矜四人，按年輪辦。每正銀一兩，出差錢一百五十文，納交清

徭局。以作南北支差之需。民困以蘇。事甫畢。公即陞調。四民遮道爭送牌纛。有召父杜母之頌。至今思之。遺愛猶在人間。

徐昭儉

字純甫。浙江烏程縣人。清光緒三十二年任沃。廉而明。斷獄有聲。甫下車。聞邑有強

暴。俗呼大辮子。橫行閭里。日以賭博打架詐財爲事。公寬猛並用。強暴斂迹。且多感化而爲善良。人比之子產治鄭。時科舉廢。學校興。公籌款督工。心力交瘁。不數月。第一高小校成立。士人豎碑以誌感戴。在任期年。雞犬無驚。民生安堵。解組日。父老攀轅遮道。至有泣下者。民國十三年卒於新絳縣任。